



Tir Yimyim

www.tiryimyim.in

Regd. No. RNI. NAGAAO/ 2004 / 13113. Postal-NE/RN-717.

e-mail : tiryimyim@gmail.com

TAPAK 3 Yangia anidakangma : Tir Yimyim tiryimyim@aolima tir yimyim TAPAK 8

PM Modi-i Chhattisgarh nung sen crore 7,600 projects tenzüksü

Canada Open 2023: PV Sindhu, Lakshya Sen nung quarterfinal tongogo



VOL. XX NO. 265 (ADOK 265) DIMAPUR KÜPTOKNÜ (SATURDAY) CHITENI (JULY) 08, 2023 ₹ 5.00



ABAM Candle Light Vigil

JULY 9, 2023 | 7 PM | MOKOKCHUNG TOWN PRAYER FOR PEACE IN MANIPUR

Iba sarasadem sentong nung Mokokchung temeket nung Arogotem, Mokokchung Town nung telen balala ajak aser nüksü nübör temulung ajak arua adentsü jaoker. Iba sentong atema amangba purtem ajaki sarasadema atatsü mepishir.

Naga kintem nem timtem agütsür: UNC

Imphal, July 7, 2023

(Agencies): Manipur nung Kuki aser Meitei nung tsünda rara nung parnok anasa aliba Naga kin kar dak kongshio.

Kin anaprong nungi nisungtemi Naga nung nem timtem agütsür aser mejungi beshir ta United Naga Council (UNC)-i metetdaksü. UNC nung Naga kin 20 dena lir.

"Kin ana anasa aliba Naga kin kar dak tim masüba mapa inyaker, mejungi beshir aser meinyakniaka tashiyim agi mapa inyakdaksür" ta UNC-i ashi.

Manipur nung kin ana raraba nung Naga nung shinga tsütsü tejak meshii tiyongtsü nung dang lia arur. Anungji iba rara nung Naga nung anioksü memrangtsüla ta UNC-isa metetdaksü.

Kuki aser Meitei nung tsünda rara nung telok kari parnok ajangzüksü atema Naga nung anisemtsü meranger. UNC-i tiyongtsü nung dang inyaksangshia arur aser tanü digital putu nung kecha miimbanga ayutsü makok, ta parnokisa ashi.

Kohima nung Single Use Plastics mamshitsü

Dimapur, July 7, 2023 (TYO):

Kohima nung Single Use Plastics (SUP) noktanga mapa kuma inyaksü atema July 7, 2023 nü District Task Force aser flying squad team tsünda külem senden ka menogo.

Senden nung sorkar office tem nung drinking water bottles amshiba indang onük benoka lemsatpdang sorkari Kohima district nung office tem dang masü saka sentongtem aser sendentem nung drinking water bottles 20 litres teküpok mamshitsü lateta aliba ama inyaksü bangjemtep.

Maneni, Single Use Plastics (SUP) amshiba mezüing putetba atema Rs. 5000, tanabuba atema

Rs 10,000 aser tasemben apuba Rs 20,000 senchi achitsü senden nung lemtet.

Senden nung adenertemi Kohima Municipal Council (KMC) dang parnok telongtet nung SUP noktanga mita repringtsü aser paper carry bags amshitsü ayongzüksü metetdaksü.

Maneni Kohima kübok sub divisions nunga nübortem dang SUP mamshitsü atema awareness programmes ayonga agitsü mepishia metetdaksü.

District Task Force aser flying squad team külem senden nungsa wholesale marketers aser printing press nung flex banners menüingba mita aotsü lemtet.

U.S. Ambassador Eric Garcetti-i Manipur yarinüba lemsatp



July 6 nü U.S. Ambassador to India Eric Garcetti-i American Center, Kolkata nung o jembidang agiba noksa angur.

Kolkata, July 7, 2023

(Agencies): U.S. Ambassador to India Eric Garcetti-i Manipur nung ozüing alema inyaksangshiba aser nisung tepsetba atema tebilemstü abenba metetdaksü. Iba tensa ya "human concern" ka lir ta pai ashi.

United States-i India yaritsü renema lir ta Garcetti-i American Center, Kolkata nung jembidang ashi.

Manipur nung yimjung nüngdaker aser iba atema sarasademtsür. United States-i iba tebilemstü ya "strategic concern" ka masü saka "human concern" ka ama bilemer, ta Garcetti-isa metetdaksü.

Northeast aser India anüdoklen tejakleni aoba atema

pelar aser maneni renloka aotsü atema yimjung nüngdaker. United States-i Manipur nung yimjung aruba sülen mapatongtem aser yaritepa inyaksü renema lir. Ajisüaka Manipur tensa ya India sasep nung khuret ka lir ta paisa ashi.

United States nunga minority rights küzmzüka ayutsüba ya mapa tasak lir aser iba ya loktiyimten linüktemi ajurur ta Garcetti-isa shisem.

Ambassador Garcetti-isa United States aser India tsünda tesentaktep akangshitsü aser tali angatettepsü nenshia jembi.

Pai Kolkata semdangdang lanur lennirtem, tetsür lennirtem, kaketshirtem, shishilembartem, shisashirtem, civil society aser press den ajurutepa sensaksem.

Garcetti-isa U.S. aser Kolkata tsünda alemli nungi tesentaktep lia aruba indang den World War II nung Kolkata-i shilem tulu agiba indang jembi.

Centre-i US Ambassador dang asüngdangyatsü asü? **Jairam ramesh**

Külen, Congress lennir Jairam Ramesh-i External Affairs Minister Dr S Jaishankar dang Centre-i US Ambassador Eric Garcetti jaoktsü asü koda ta asüngdangogo.

US Ambassador-i Manipur nung ozüing alema inyaksangshiba aser nisung tepsetba ya "human concern" ka ta ashiba atema Centre-i pa (Garcetti) jaoka asüngdangyatsü asü koda ta Jairam Ramesh-i asüngdang.

"Manipur nung tensa süngjemdaksütsü aser yimjung bener arutsüba mapaji Centre, state sorkar, state nung civil society aser political party tem indang tebilemstü khuret lir. Prime Minister-i ola madoker aser Home Minister-i mapa meinyakteter, ajisüaka iba khuret asoshi linüki mapa teinyaksü mali ta masü. Iba ya India indang tayongzükba ka lir aser asenok India nungeri jungjunga aser akangakanga inyaksüla" ta Ramesh-i metetdaksü.

Manipur nung political party 10-i Biren Singh anentsü akhanger

Imphal, July 7, 2023

(Agencies): Manipur nung Biren Singh-i aniba sorkari kin ana tsünda mepetmesü adokdaksü aser mejungi kümdaksüogo anungji Biren-i chief minister menden nungi anentsüla ta political party 10-i metetdaksü.

AAP, AIFB, AITC, CPI(M), INC, JD(U), NCP, RSP, SS (UBT) ajanga tentetba Peace Convention-isa India Prime Minister Narendra Modi aitsü.

Tesüiba anogo 65 tsünda PM Modi-i Manipur mepetmesü atema ola madoker ta parnokisa ashi.

Political party 10-i Imphal nung Peace Convention ayonga agi aser May 3, 2023 nungi tenzükter tanü tashi nung nisung takütem samaba atema temulung raksaba, aoksaba aser tebilemstü abenba osang lemsatp.

Manipur nung azütokshi lendong nung nisung takütem samaba atema Peace Convention nung minute ana ola madoki akhümsübu agütsü.

Rahul Gandhi-i peace messenger ka ama Manipur nung anogo ananü arua amonga atema Peace Convention-i pelaba

metetdaksü.

Maneni, Left party tem nungi MP 5 indang Parliamentary team-i Manipur semdanga asadanga sülen Parliament ajanga India sorkar dang Manipur nung tensa süngjemtsü aser tesünep bener arutsü mapa inyakang ta ashitsü imlar ta Peace Convention-isa ashi.

Manipur nung tang yimjung nüngdaker aser tensa süngjemtsüla aser iba tensa atema tebilemstü khuretji N Biren Singh-i abentsü aser pai chief minister menden nungi anentsüla, ta Peace Convention-isa metetdaksü.

Assam opposition-i ECI den 2001 census data amshiba ashishiteper

Guwahati, July 7, 2023

(Agencies): Assam nung political party 11-i Election Commission of India (ECI) dang delimitation maparen nung 2001 census data amshiba atema ashishiteper.

Political party 11 nungi teshimtet telok kati ECI dang 2008 küm Jammu and Kashmir (J&K) den Northeast state asem nung delimitation maparen thinenba indang metetdaksü.

"Tanga northeast state 3 aser J&K nung 2008 küm tensa asadanga sülen delimitation maparen athi. Ajisüaka Election

Commission of India-i tawa tu Jammu and Kashmir nung 2011 census data amshia delimitation mapa renemogo aser ibaji tim dang" ta parnoki tezüluba ka nung ashi.

"Ajisüaka, kechiba Assam nung 2011 census data masü saka 2001 census data amshia delimitation maparen inyak?" ta parnoki ECI dang asüngdang.

"Assam indang 2011 census data liaka 2001 census data amshiba atema kuli tejangja meshir" ta parnokisa ashi.

Assam nung opposition political party temji- Assam

Pradesh Congress Committee; Rajgor Dal; Assam Jatiya Parishad; Jatiya Dal, Assam; Assam Trinamool Congress; Nationalist Congress Party, Assam State Committee; Communist Party of India, Assam State Committee; Communist Party of India (Marxist), Assam State Committee; Communist Party of India (Marxist-Leninist) Liberation, Assam State Committee; Rashtriya Janata Dal, Assam State Committee aser Janata Dal (United), Assam Pradesh Committee lir.

EPF aser ESI indang sentong ka Kohima nung ayongzük

Dimapur, Chiteni/July 07

(TYO): Employees Provident Fund (EPF) & Employees State Insurance (ESI) tali tejangjaba nung angatetdaksütsü sentong ka Labour Commissioner's Office indang Conference Hall, Kohima nung July 7, 2023 nü agia liasü.

Iba sentong nung jembidang, Commissioner & Secretary, Labour & Employment, Sushil Kumar Patel, IAS ajanga ashiba agi, linük nung EPF ya security scheme tulutiba lir aser Nagaland nung aliba nübur timbai iba indang memetet, anungji item social security scheme kübok mapa agütsür aser mapa inyaker nem pei temeden, teinyaksü aser teyari angatetdaksütsü asoshi EPF aser ESI indang angatetdaksütsü tongtipang lir, ta ashi.

Mapa agütsür (employers) temi EPF aser ESI contributions dak sendakba nung teinyaksü tzüzüing-ozüing meteta alitsü nungdaker aser yamaji ki o jen aser system agütsütsüla, ta Commissioner-i ashi.

Iba sentong ya ajanga parnoki legal provisions, deadlines aser inyakyim angatetsü aser timtem ajemdaksütsü, ta pai ashi.

Mapa agütsür aser mapa inyaker densema stakeholders ajaki item social security scheme tem tejangjaba nung angatetsü asoshi EPF aser ESI indang angatetdaksütsü ya kanga tongtipang lir. Awareness agütsüba, shidak inyakba aser mapa inyaker asoshi mapa tajung inyakba ajanga working environment tajung agütsür, ta

Iba sentong nung shisalen sayur aser Regional PF Commissioner, Nagaland, Rohit Singh-i ashiba agi, mapa inyaker indang 'financial interest' wazüka ayutsü asoshi Employees Provident Fund (EPF) aser Employees State Insurance (ESI) ya Government of India-i agütsüba social security schemes lir.

EPF scheme indang rasaa ashiba mapang, iba ya Employees' Provident Fund and Miscellaneous Provisions Act, 1952 kübok tenzük aser ibai mapa inyaker 20 mesüra tali aliba organizations nung mapa inyaker asoshi 'mandatory retirement savings scheme' ka lir, ta ashi.

EPF account nung mapa agütsür aser mapa inyakeri mapa inyaker indang basic salary den dearness allowance indang shilem 12 inoktsür. Iba sen ya sorkari yariba securities nung amshir aser fixed interest rate angur. Iba sen ya mapa inyaker indang retirement corpus ka amai lir aser mapanungi anisüngzük dang, anendang mesüra anentsüdang agizükteter.

EPF yagi ano Employees' Pension Scheme (EPS) ta ajaba pension scheme aser Employees' Deposit Linked Insurance Scheme (EDLI) ta ajaba life insurance scheme amala teyari agütsür.

EPS ajanga mapa nung küm 10 junga inyaker alir nem pension agütsür aser EDLI ajanga EPF züngsem nem life insurance coverage agütsür.

(Maneni tapak 8 nung...)



FACE OF NAGALAND - Season-5 indang Grand Finale ya July 9, 2023 nü IWU-SHI Garden (Kuda) Full Nagarjan Bridge, Dimapur nung alitsü. Noksa nung tetokteper Top 14 den iba sentong ayongertem angur.

Mokokchung Police-i temesepba mozü ayoker apu

Dimapur, Chiteni/July 07

(TYO): Mokokchung Police-i temesepba mozü anema raraba nung shilem ka ama July 1, 2023 nü meita aodang Sumo driver ka nungi oset talep (parcel) ka agizükba ngua MMC Complex Sumo Stand, Mokokchung nungi arishi küm 33 tain Lanutoshi S/O Lt. Sendongyanger V/O Ungma, P/A Ungma 'B' Khel apu.

Police temi iba talep kaka bushiba mapang plastic soap container ka nung Brown Sugar/Heroin südi ta temolung melemi aliba oset iba parcel telung nung miima aliba pa ket nungi ngutet.

Lanutoshi ya DEF Mokokchung nung constable lir

asur Brown Sugar/Heroin südi ta temolung melemi aliba oset ya tuozük gram 9.27 shi liasü.

Police temi iba ken o maneni bushisüing dangba mapang temesepba mozü agütsür (supplier) ka jangjatet aser iba dak sendakba nung Dimapur nung July 5, 2023 nü search operation ka agidang nisung ana, arishi küm 40 tain Moameren Vmai, S/O Dvio Vmai Poumai, V/O Tonjoy Poumai-Senapati, Manipur P/A Naga United Village Chumukidema aser arishi küm 47 tain Buni Throzho, 55 Kilonser NSCN-K (NIKI) S/O Rhinyi Throonzho V/O Chingme Khullem/Raveme District Senapati, Manipur P/A Rangailong Colony Burma

Camp, Dimapur apu aser tena ket nungi .22 caliber Pen pistol ka den .22 caliber injang trok nguteta liasü. Iba dak sendakba nung maneni bushisüing dangtsü atema Mokokchung Police Station-I nung ken o ka benoka lir.

Temesepba mozü ajanga timtem balala agütsüba azüoktsü asoshi inyakba nung nüburtemi tashi angateptsü ayongzük, ta Mokokchung Police sangdong ka ajanga ashi.

Temesepba mozü achi-ajemba aser shibelenba mapa inyaker nem Narcotic and Psychotropic Substances (NDPS) Act kübok tapet temerenshi agütsütsü, ta sangdong ajangasa ashi.

Mokokchung DPDB senden July 13 nü amentsü

Dimapur, Chiteni/July 07

(TYO): Taoba mapang sangdonga aliba melenshia, mepaidoktetba tensa kar aliba ajanga July ita asoshi Mokokchung District Planning & Development Board senden ya anogo

atsüzük July 13, 2023 anepdang 11:00 ako nungi tenzüka

Deputy Commissioner, Mokokchung indang Conference Hall nung amentsü, ta Deputy Commissioner Mokokchung, Thsuvisie Poji-i Hokulbarnü

sangdong ka ajanga Mokokchung DPDB züngsem ajak dang metetdaksü.

Züngsem ajaki iba anogo melenshiba meteta senden nung medema arua adentsü metetdaksür, ta sangdong ajangasa ashi.

Anava Hospital; nüburtem tanepstsü angudak mongchen taseen ka



- Tangsen Lemtur Mokokchung, July 07, 2023

(TYO): Ao lima aser temeket nung aliba kintemi hospital tajung ka kanga nungdaka aliba mapang nung Anava Hospital ta ser Settsü nung lushi nung mozüki tajung ka lapoktsü.

Iba mozüki ya Dr. Süngtiaküm Jamir aser pa kinüngtsü Switzerland tsür, Dr Nadia nati Mokokchung jila nungi kilometer 11 shi dang pilar yangluogo.

Anava Hospital ajanga Aortem dang masü saka kishikina aliba kintemia tajangzük tulu angutsü.

Dr. Süngti aser par kibongi Switzerland toktsür aruba sülen Uttar Pradesh mesüra Bihar nung mission hospital ka tenzüktsü tejangraba liasü saka Tsüngremi par kibong den jembiba ajanga Ao lima nung ang Anava Hospital lapoktsü lemtet aser iba ya asenok atema temoatsü ka asütsü.

'Anava' tetezü Hebrew oshi nung 'tanep/anepasung' lir; anibelem jenti liaka medical nung inyaker temi mapang ajak nung shirangertem anep-asünga anepalutsüla, iba nungji ajemdaker iba foundation aser hospital nungja ya jatet, ta Tir Yimyim-i Dr. Süngtiaküm dang asüing dangba langzüdang pai yamaji metetdaksü.

Nüburtem, talisa yimtsüng nungi arurtem nem jenjang dalang agi medical services

tajung agütsütsü nukjidong nung Anava Welfare Society tenteta liasü, anungji iba hospital ya tajangzük mebushiba mission hospital ka asütsü, ta paisa ashi.

Dr. Süngti ya Surgeon lir aser Dr Nadia ya Gynaecology & Obstetrics nung specialist dang masü saka Infertility (tapong) treatment nunga specialist lir, anungji nüburtem nungdaker apir tarutsü nung infertility treatment-a tenzüktsü, ta pai ashi.

Hospital nung staff tem anioksü atema tan hopta nungi interview maparen tenzükogo, aser mezüng staff 15 shi anioksü saka in-patient agizükba mapang tashi nungbo staff 40 tashi alitsü aser nungdaker apir ano staff aika shimoktsü, ta Dr. Süngti-isa metetdaksü.

Taruba ita (August) nungi OPD services bo tenzüktsü sentong lir; tetezü in-patient agizüktsü atema renemtsü

asoshi staff tem training agitsü aser nungdaker balala inyaka renemshitsü atema ita asem shi agitsü aser November ita nungibo in-patients agizüktsü sentong lir, ta Dr Süngti-isa ashi.

Mezüngbo iba hospital nung department asem- General medicine, General surgery aser Gynaecology Departments dang alitsü; hospital nung general surgery, laparoscopic (keyhole) surgery, Obstetrics & Genealogy surgery aser Urology surgery agitsü, aser tamalen medical mission balala nung külemi inyaksema alir Anava Foundation indang medemer consultant doctor tem mapang shia arua yariteptsü sentong lir, ta paisa shisem.

Anava Hospital nung lab test aika alitsü, item rongnung biochemistry, blood test, urine test, hormonal test aser infection balala putetsü atema blood test facilities alitsü.

(Maneni tapak 8 nung...)

Balasore train lendong dak sendakba nung CBI-i nisung 3 puogo

New Delhi, July 07
(Agencies): Taoba ita Odisha kübok Balasore nung train lendong tulu atalokba dak sendakba nung Hokolbarnü Central Bureau of Investigation (CBI)-i Indian railways nung inyaker nisung asem puogo.

Indian Penal Code (IPC) nung Arrla 304 nung ajemdaker par asem anema ken o benok.

CBI-i tai tonglokja apuba nisung asemji Arun Kumar Mahanta, Md Amir Khan (junior section engineer) aser Papu Kumar (technician) nung lir.

CBI-isa par aseme aibelenba kuli samatsüba atema par asem anema IPC kübok Arrla 201 nung ajemdaker ken o benok.

June 2 aonung train lendong atalokba sülen iba tatalokba bushisingdangtsü atema June 6 nü CBI nem bendanga agüja liasü.

June 2 aonung 7:00 ako meta Balasore anasa passenger train ana aser khu abenba train (Bengaluru-Howrah Superfast Express train, Shalimar-Chennai Central Coromandel Express aser khu abenba train) tsüktepba lendong nung nisung 278 asü aser nisung 1,100 dak tema yirua liasü.

Union Railway Minister Ashwini Vaishnav-i, iba lendong atalokba tongti kuli aser aibelenertem jangjaogo, ta metetdaksüba sülen hopta ishika lir CBI-i aibelener asem apur.

Iba lendong atalokba sülen National Disaster Response Force unit 3, Odisha Disaster Rapid Action Force units 4, fire rescue team 15, doctor 30, police 200 aser ambulance 60 amshia kümzükba maparen inyaka liasü.

Tenüng menüktsüba ken o nung High Court-i Rahul temepishiba magizük

New Delhi, July 07
(Agencies): Congress lenir, Rahul Gandhi-i 'Modi' nungja amshia tenüng menüktsüba ken o nung Gujarat High Court-i pai mepishiba ken o magizük.

Anungji Rahul Gandhi-i joko elections nung metokteptetsü mesüra pa Member of Parliament (MP) nungi anenja aliba magientetsü.

Gujarat High Court-i oshidang agütsüba sülen Congress party-i, parnoki Gujarat High Court obendang anema Supreme Court nung ken o benoktsü, ta metetdaksü.

Rahul Gandhi temepishiba magizüki Gujarat High Court-i, "Pa (Gandhi) anema ken o ter shi benoka lir. Yimtenren nung merükteta alitsü nungdak. Gandhi-i Cambridge nung Veer Savarkar anema jembiba sülen Veer Savarkar'er semchiria pa (Gandhi) anema Pune Court nung ken o benoka lir. Aitsüba sülen temerenshi magütsüba ajanga ken o benoker nem temeden magütsütetsü," ta metetdaksü.

2019 küm Karnataka nung Lok Sabha election atema nüboyimba mapang nung Rahul Gandhi-i jembiba o nung ajemdaker pa anema tenüng menüktsüba ken o benoka liasü.

Election nüboyim sentong nungji Ato kilonser, Narendra Modi aitsüba olen ka nung Rahul-i, "Kechiba auer ajak tenüng nung kasa nungja keta lir? ta shia Lalit Modi aser Nirav Modi nung tenüng tetshia liasü. Rahul Gandhi-i jembiba oji ajanga tenüng nung Modi nungja densema alirtem ajak tenüng menüktsüogo, ta shia BJP MLA aser taoba mapang Gujarat minister Purnesh Modi-i pa anema tenüng menüktsüba ken o benoka liasü.

Kasa ken o nung taküm March 23 nü Surat nung aliba court kati Rahul Gandhi aitsü aser küm ana tepuokdak ayutsü obendang agüja liasü. Iba sülen

PM Modi-i Chhattisgarh nung sen crore 7,600 projects tenzüksü

Raipur, July 07
(Agencies): Hokolbarnü Chhattisgarh state yimtiba, Raipur nung Ato kilonser, Narendra Modi-i sen 7,600 crore jenjang project 8 tenzüksüogo.

Raipur yimti nung aliba Science College ground nung ayongzükba sentong nungjisa Ato kilonser Modi-i video conferencing ajanga Kanker district kübok Antagarh aser Raipur na tsüngda train tasen ka tenzüksüogo.

Kasa sentong nungjisa Ato kilonser Centre sorkar indang Ayushman Bharat scheme card-a lema agütsü.

Taküm küm tatembanglen Chhattisgarh nung assembly elections agitsü lia pai state

nung terenlok project kar semzüksür aser project kar atema lung azüngtsür.

Iba sentong nung jembidang Modi-i, item project tasen ajanga state nung nüburtem nem mapa maangka agütsütsü aser tribal nüburtem aliba tesemtem nung terenlok alitsü, ta ashi.

"Tesüiba küm 9 tsüngda Centre sorkari Chhattisgarh nung kilometer 3,500 indang National Highway projects lemzüksü aser tang tashi nung kilometer 3,000 bo renemogo.

Terenlok tsütsü tesülen atsüngzüka aliba tesemtem nung infrastructure terenlok atema onoki inyaker," ta Ato kilonserisa metetdaksü.

Kasa sentong nungji Ato

kilonseri National Highway 30 kübok Raipur-Kodebod section nung four lane kilometer 33 semzüksü aser NH 130 kübok Bilaspur-Pathrapali nung four lane kilometer 53 semzüksüogo.

Paisa NH 130 kübok section asem- (Jhanki-Sargi (43 km), Sargi-Basanwahi (57 km) aser Basanwahi-Marangpuri (25 km) nung four lane lenmang atema project tenzüksüogo.

Iba dak alia sen crore 750 indoka Raipur-Khariar Road Rail Line kilometer 103, Keoti-Antagarh railway kilometer 17 aser Korba nung Indian Oil Corporation indang bottling plant ka amenoktsü atema project tenzüksüogo.

GOVERNEMENT OG NAGALAND DIRECTORATE OF TECHNICAL EDUCATION NAGALAND, KOHIMA

NO.DTE/ESTT-2/02/2023-24

Dated Kohima, the July 2023

NOTIFICATION

It is hereby notify that there will be a Spot Counseling on 13th July 2023 at 11:00 AM in the Conference Hall of the Directorate of Technical Education to fill-up the vacant seats in Para-Medical, Agri. & Allied Courses for the session 2023-24 based on NSEE-2023 merit-list.

The NSEE-2023 Candidates whose merit falls within Sl. No. 1 to 250 are informed to attend the said Counseling without fail. Failing to attend the Counseling shall be treated as non-acceptance/decline.

The Candidates allotted with first preferred Course but have DECLINED the offer are not eligible for Spot Counseling.

Further, the Candidates who have confirmed their acceptance on the Seats allotted are informed to collect their nomination letter from the Directorate of Technical Education on 12th July 2023 from 11:00 AM onwards.

Sd/-
 (Er. Vipulhou Lhoungu)
 Director

GOVERNMENT OF NAGALAND DIRECTORATE OF TECHNICAL EDUCATION NAGALAND: KOHIMA

NO. DTE/ ESTT-2/7/2019-20/

/Dt. Kohima, the July, 2023

NOTIFICATION

The prescribed application forms for selection to various Agri & Allied/ Engg. undergraduate Degree Courses mentioned below may be collected from the Directorate of Technical Education, Kohima (Below Nagaland Civil Secretariat Complex) on payment of Rs. 200/- (Rupees two hundred) only per set with effect from **10th July 2023 to 18th July 2023** during office working hours. The form may also be downloaded from the website www.dtenagaland.org.in in which case the fee should be paid while submitting the form printed in white paper (A4 size).

The last date for receiving the complete forms by hand is **18th July, 2023, 5:00 PM.**

Sl. No.	Branch	No. of seats	Eligibility	College/ Institute	Remarks
1	Agricultural Engineering & Technology	11	Passed 10+2 with PCM/PCMB 45% marks for SC/ST candidates	(i) School of Engineering & Technology, Dimapur and (ii) College of Agri. Engg. & Post Harvest Tech. Gangtok, Sikkim.	Nagaland University and Central Agricultural University seats
2	Information Technology	06	-do-	School of Engineering & Technology, Dimapur - NU	
3	Computer Science & Engg	06	-do-		
4	Electronics & Communication Engg.	06	-do-		
5	Biotechnology	06	-do-		
6	B. Tech. (Food Technology)	04	Passed 10+2 with PCM/PCMB 40% marks for SC/ST/PC candidates	(i) College of Agri. Engg. & Post Harvest Tech. Gangtok, Sikkim. (ii) College of Food Tech., Imphal, Manipur	Central Agricultural University seats
7	B. Sc. (Hons) Food Nutrition & Dietetics	01	Passed 10+2 with PCB/PCBM/PCM 40% marks for SC/ST/PC candidates	College of Home Sc. Tura, Meghalaya	Female only (CAU)
8	B. Sc. (Hons) Community Science	03	-do-	(i) College of Home Sc. Tura, Meghalaya	Female only (CAU)
9	B. Sc. Hospitality	06		Inst. of Hotel management, Barabari, Guwahati	
10	Hotel Administration	02		Inst. of Hotel management, East Khasi Hill, Shilong	

Sd/-
 (Er. Vipulhou Lhoungu)
 Director



TIR YIMYIM YIMOBILEM (EDITORIAL)

DIMAPUR

KÜPTOKNÜ

CHITENI 08, 2023

Kidanger Tajung

Tang Manipur nung atalokba lendong amaibo asenok tang taküm alir Naga nungertem aikati mengudang aser majangshika asütsü. Atangji, küm 68 shi jakdang India nungner sepaitemi asenok Naga nungertem yim ana asem külemi yim ka nung shibanga yur reshikangshiba, yim aser alu rongdoktsüba aser teka nung seal ajener alui odaktsüba tensa tia ajururtema ano karbo taküm alitsü. Item purtem jagibo takaba ajak rongdoker talidak maka arem nung tsübuseta jenshia senzüdang timtemba indang meteta lir. Aji dang masü saka asenok Naga nungertembo asenok rongnung telok-telok telemsa adoker kati ka arishitepa katepba tensa mapanga ajuruogo. Idangji pei apuani, pei tsürabur aser jala-jabaso taküm samadoker mulungzürep tia nung kechikomaka jashir aser mangyim tia ajurur, itemji tajurur aser tajangshirtemiang meteta lir. Iba ama mesükba tebang agi ashitsü makokba tensa tia ka nung tang Manipur nung alir Mieti nungertem o Kuki nungertem na prongla tetsübu aser shisabolu timtem tia tulu nung lir. Alima asünungji pei kidang lia mangyim jashi aser lendong timtem ajurubaji tim dang saka pei ki aser pei yimtsüng ajak rongdoker talidak maka tetsübu nung jenshia senzüba aser pei kidang kiyonger aser külemi küm aika tesem ka nung lia arurtem agi tsükchir kümer azü tokshia raratepba tensa tiaji alima nung bilemer mebilemjemba tamangu lendong tuluka asütsü. Tanü Manipur iba tia nungji lir. Iba tia nungji Prime minister-i ola madok repranga toktsür aser Home minister-i lendong nokdangtsüji makoker, anungji Manipur nungner tebur ajak sepa kümer kati ka anema maktepba osang angashir. Aji oda, police training center aser police station-tem nungi prangbong injang ajak okshia nübertemi bener oadokba limajibo government maliba lima-ang ka asütsü. Iba ama tensa tia ka nung Manipur nung tatartem senden ayongzüksüa tasak kümogo, kechiyong lenden nung alirtemi tenemleni moutetter aser tenemlen alirtem lenden leni moutetter. Ora tasütsüba dang. Iba ama tetsübu aser shisabolu tulu agi nembanger aliba mapang ka, Nagaland nungi Nagaland Joint Christian Forum (NJCF) nungi arogo aser mungdang lenirtem Imphal tashi iagi Manipur nung aliba tamangba yimsü balala nungi lenirtem ajurua Manipur nung yimjung nungdakba indang aria bilem o lemsatepbaji Nagaland nung alir ajak asoshi nümadangtsü aser sarasadem nung yaritsüba mapa ka asütsü. Pei kidang-kiyonger rongnung tesama aser takoksa lendong tulu atalokba ngua kidang koda mena melitet oagi ariabilem aser temeim o lemsatepbaji, atangji, Khristan ka mapa lir. Talisa, Imphal nung Khristan purtem külemba tenla ki aika rongdoktsür alidak oagi Khristan purtemiang yimjung aser tesünep nungdakba indang temeim o lemsatepbaji Tsüngremtemeim kulisüba mapa ka asütsü. Itemji kodang bilemdangdir, tanü tendak Yisui ashiba asen kiyonger to Manipur nungertem ya asütsü. Atangji, pei tsürabur tepsetertem dang tai adokbaji Naga nungner lir aser pei chinurtem tepsetertem dang tai toktetbajia Naga nungner lir. Naga nungner aika temang nung pei nisungi azükba aser akhaba zübo aser tarak keta lir, ajisüaka tang aser taratsü nung lanurtembo yimjung nung lidaktsütsü mechi aser Tsüngrem temeim aser taochi angatetba agi itemji mang ayangtsü shingaia mebilemer. Tashimait aika liaka, itemji Naga nungner aser Aor Khristan purtem lir. Aji oda, Naga nungertemi azü tokshia raraba lendong mapanga ajuruogo aser taitokteper yimjung nung alitsü tenzükba anogotema ajurudagi. Item nübertem rongnungi lenirtemi Manipur yimjung asoshi sarasademba aser lendong atalokba tesem tonga oagi yimjung bushiba mapa nung yaritsü shisalemsatepbaji kidanger tajungi inyakba mapa asütsü. Atangji, lendong tulu adoka tesama aser takoksa tia ajurubaji matalok mesütet, anungji tensabo mapang agia süngjemtsü. Aser tesüsabo ola madoknyonga prime minister-ia ola adoktsüsa akümtsü, kechiyong teti atema yimjung o bo yimteniag kazüka yoktettsü. Iba ama teyarir shinga mali teimla samar tetsübu nung alirtem asoshi temeim o dang masü saka nungdakba teyari dena agüja yimjung mapa inyaktsütsübaji, atangji, asenok Tsüngrem chirtem mapa asütsüla.

OLEMSABANG

Tsüngremi Naga nungner Khristantem tang asüngdangner

L. Kika Pongener

Na kong lir ? "Kibuba Tsüngremi nisung dang jaa ashi... " Na kong lir " ??? Aser Adam-i langzü "Atsüki nung ne ola angashir ni tsübua atsüka lir, kechiaser ni mangsa asünung tsübua atsüka lir" (Lipok-3:9-10). Tsüngremi Adam aser Eva Eden tsüki nung sungdongzüng nung sungo tu agi suoshi arua nembanger atsüka aliba tesemji ajak sadakjema ngudar, anungji na kong lir ? ... ta asüngdangbaji, na koba tesem nung lir ? ta asüngdangba masü, saka Tsüngremi asüngdangbaji pai kechi tsüzüng-ozüng agütsü, koba sungjang nung tekongshi aser techi ta ashi iba nung to masetshii ali asü, mesura tashi mangai aibelen'er ali ta asüngdangba sudi. Tanü asen Naga nungner Khristan-tem Chief Minister-ba nungi shir talakba meshimejung nubu ka tashi, asenoka kong kechi jenjang nung lir (?)...ta Tsüngremi asüngdangner. Dr.Clerk-i anuolen alima tatem külen nungi arua asen Naga nungner tang Yisu yimsu osang tajung sayu, sobaliba yimsuyimpong tamajungtem, leptept-tsüngtept, külem-küja, yi ajemba, itum mesukba temenentem nungi pila-a alitsü aser toktsütsü sayu. Ajiser, taküm libaliro ajak asüngteta alitsü aser sorkar mapa nung, yimden nung, arogo nung aser loktiliba ajunga nung ochishia ketdangtsütsü sayu. Ajisuaka, asen Naga nungertemi Israelpurtemi ljiip lima nung külemba sungyanglutem dangi meyipa aoba ama, akhi tejen yimsu dangi meyipa oadok, aser sen aser supokrem nung alang. Anungji Tsüngremi asenok dang kanga mepelar aser iba atakatem tanü asenok dak tonga lir. Kechi koma atong ? Asenok madak yimsusurtemi alima meima yimsu asütsü melena pei ajungtsü tang arishir, sorkar tenzükertemi ochishia nendaka inyaktsü melena nendaka ochishia meinyaker, yimtsüngtem nung yimsusurtemi ochishia yimsu masür. Nuburtem tsüngda nung shingaia ajemalua tila mekümteter, kati ka küpok meliteter aser kati ka dak tenukmeremtepbaji agi sunga lir. Linuk tenzükertemi nujiso alizüng atongtsü nukjidong yur inyaktsü melena, parnok o parnok tsüngda nung kati ka den tsükchitepa arishiteper. Tsüngremer wadang nung tenzükertema, sama-a aliba santem bushitsü melena alima tashi sülen hai-haura kaa anidaker aser alima tashi nem anishidaktsür aser aika sen nung metsüdaker alanger. Tanü asen Naga nungner arogo aser mungdangtem tiaji asadanga reprangdangra tema tereprangtsübo tobur tajung saka telunglenbo meputep agi sunga lir. Tanü lim arogotem tia reprangdangra teimba ka tajangzük chidiyungdi agi sunga lir. Benjong-bentsü longso-longpen, chiyunga-ajemtsüba nung dang tenuk yokba, tajangzük aser sempet nung dang tenuk yokba tamangertem aika lir. Jokorla, asen Naga nungner tamangertem yabo küm noklang ka-ser tenem tema amangertem asünungji, Sunday School aser Child tanürtem Sunday School & Child sentepi meranga arudaktsütsü atema 'Nanglong' (Sweets/Metai) lemtsüba ama, sempet kar alemtsüba agi mesura benjong chiyungba agi mesuzüktepa amangtsüba mapang masü, mesura yamala mapa nung arogo rongsen indoktsüba mapang masü, saka sama-a aliba tanela anir arutsüba aser tenyaba mapa (Soul winning & Mission) nungang arogo rongsen indoktsüba mapang lir. Jokorla, asen Naga nungertem yabo kinu tanür ama mamatsü ajemtsüba mapang masü, saka teret mejaktsüba mapang tongja tongogo. Anungji arogo rongsen benjong-bentsü, chidiyungdi, sempet alemba, yamala mapa nung indoktsü melena, tanela anir aruba aser tenyaba mapa nungang amshitsü tangatetba lidi. Tanü asen Naga nungner tamangertem teimba ka tajangzük bushiba, chiyungdi, rongsen penbuba aser ochimashi mapatem nung dang tenuk yokba tamanger aika kümogo. Tanü asen Naga nungner tamangertem ajak dang "Na tang kechi jenjang nung lir" ?... ta Kibuba Tsüngremi asüngdangner.

(Maneni asüng adok nung...)

**Iba Olemsabang nung lemsaba ken-o aser shisatsü ya iba ocet züluri
bilemba ken-o ama tazünger angateta agitsü mepishir**

Quran rongdoktsüba tatalokba Iraq nunger Khristantemi aitsür



Tawa Sweden yimtiba, Stockholm nung aliba mosque kima nisung kati Quran kaket rongdoktsüba anema July 3, 2023 nü Pakistan kübok Multan nung right-wing Jamaat-e-Islami (JI) party züngsemtemi longkak aitdang tangokba noksa nung angur.

July 07, 2023: Tawa Sweden yimtiba, Stockholm nung mosque kima lanur kati Muslim nunger temeshi kaket 'Quran' rongdoktsüba tatalokbaji Iraq nunger Khristantemi sashia aitsür, ta Khristan lenirtemi metetdaksü.

July 5, 2023 nü Council of Christian Church Leaders of Iraq (CCCL)-i sangdong ka ajanga, "Iba ya nisung aika indang temeden mezüngmeshiba lir aser yimsü nung ajemdaker tesempa adokdaksütsü aser yimjung raksatsütsü atema inyakba lir," ta aitsü.

Quran rongdoktsüba ajanga alima tesem ajaklen Muslim nunger tamangertem kanga jashidaksüogo, ta CCCL-i metetdaksü.

2010 küm tentetba Council nung Iraq nung aliba Arogo 14 nungi tekolakpurtem, putirtem aser lenirtem lir.

Arogo lenirtemisa alima nung yimjung yanglurtem dang alima nung tesünep aser yimjung ajungkettsütsü atema ayongzüük.

June 28, 2023 nü Muslim nunger Eid benjung amongba mapang nung Stockholm nung aliba Mosque kima quran rongdokba ajanga Iraq nung tensa raksaogo, kechiyong quran rongdoktsüsangji arrshi küm 37 Iraq nunger refugee ka liasü.

Tsüngrem dak mamanger, Salwan Momika ya tesüiba küm aika Sweden nung lia arur. Pa ya Iraq nung Nineveh plains kübok Khristan nütsüng teimba

aliba Qaraqosh yimti nung Khristan kibong ka nung aso.

Iraq sorkar aser judiciary-ia Sweden ketdangsertem dang pa anema ken o angadanga temerenshi agütsütsü atema Iraq-i yokang, ta mepishiogo.

CCCL lenirtemisa, item ama mapa ajanga Iraq nung nütsüng ajema akümba Khristantemi timtem ajurutsü, ta metetdaksü.

Quran rongdoktsüba sülen Assyrian Arogo nung lenir, Mar Awa Royel-i, iba ya Tsüngrem dak mamanger Iraq nunger kati inyak, aser iba ya tesempa proktsü nükjidong nung inyak, ta aija liasü. Iraqi Kurdistan Autonomous Region nung transport & communications minister aser Khristan, Ano Abdoka-ia iba tatalokba aitsüogo.

Laishiba meyipzüksü atema artificial intelligence (AI) amshitsü

July 07, 2023: Alima nung oshi 7,100 nungi oshi 700 dak tema nung Laishiba meyipzükba lir, aser alima nung oshi teimtiba nung meyipzükba kaketji Laishiba lir.

Ajisüaka ano oshi teimbaka nung tang tashi Laishiba memeyipzük, ibayongji scientist anati artificial intelligence (AI) teyari agia oshi balala nung Laishiba meyipzüksü tebilemba lir.

Tawa research engineer, Joel Mathew aser Ulf Hermjakob nati AI-powered technology ka, Greek Room tenzükogo, aser ibaji ajanga Laishiba meyipzükba nung yaritsü.

Joel Mathew-i, "Onoki alima nung aliba oshi ajak nung Laishiba meyipzükner; nükjidongji Laishiba agi meimchir ajak ket atongtsü atema lir," ta metetdaksü.

Ulf Hermjakob ya natural language processing (NLP) nung mongin lir aser Mathew ya Laishiba meyipzükba nung mongin lir. Tenaprongla ya University of Southern California indang Information

Sciences Institute nung researchers lir, aser tenati oshi top 500 nunga densema maliba oshitem nung technology amshia Laishiba meyipzükner.

Greek Room nungji tongtibang tools asem lir, aser itemji- spell-checking, world alignment aser Wildebeest lir.

2015 küm Mathew computer science nung master's degree agitsü atema University of Southern California nung join asüba mapang nung pai Hermjakob ajurua liasü. Iba mapang nungji Hermjakob Information Sciences Institute indang AI division nung liasü.

Tena ajurutepdang tenapronglai Khristan yimsü keta asenba aser oshi balala jangraba lemsatepa liasü.

Laishiba oshi ana nung meyipzükner jabaso, Mathew talidakbo New Delhi nung lir. AI technology amshia mapa tulu inyaktsü atema pai melungteta liasü.

Mathew-i India nung Laishiba meyipertemi ajangshiba timtem balala

Hermjakob den lemsatep, aser iba mapang nungji Hermjakob-i, "Mapang ka nungbo ni kü sempet amshia kü yimsü atema mapa tulu inyaktsü ta meteta liasü," ta ashi.

Mathew aser Hermjakob nati tezüluba maliba mesüra osep (dictionary) maliba oshitem nung tama Laishiba meyipzükner.

"Künati Uyghur mesüra Oromo ama oshitem nung tama Laishiba meyipzüksü bilemdar. Oromo oshi ya Ethiopia aser northern Kenya nung jembir," ta Hermjakob-i ashi.

Tawa Indian consultants-i tena ajurua anüolen India nung nisung 130,000-i jembiba Kolami oshi nung Laishiba meyipzüksü tebilemba lemsatepa liasü.

Tena indang project ya Wycliffe Bible Translators USA organization-i nungita yaritsü. 2033 küm tashi nungbo linük ajak nung pei oshi nung Laishiba alitsü nükjidong yur Wycliffe Bible Translators USA organization-i inyakdar.

ANO GO ABEN TSÜNGREM DEN

Ni kodang tambur südir

T. Ken 71:1-11

Tambur, tantsür asoshi iba ken ya kanga tanganütsü ken ka lir. Iba yagi tambur akümdang Tsüngremer temoatsü nung balaka rangloker. "Tambur tia nung nai ni teindok; tashi makai akümdang nai ni senzüka teyutsü" (t.9).

Asenok tambur akümdang Tsüngremi asenok asoshi kechi inyaker? Asenok tain kümer tebilemetsü agi atongdang Pai asenok yarir. Tashi mait tatishitsü. Tekong 9 nung Dawidi kechi indang jembir: "Tashi makai akümdang nai ni senzüka teyutsü." Tema takümüji tashi meiti akümer, saka telunglen anogo shia tasen kümshitsü akok. Tsüngremi ne nungdakba tanelaren tashi agütsütsü.

Asenok tambur aküm tanga tebilemetsü ka asenok ajurubaji ratamata. "Ne dak, O Kibuba, ni kü tamang ayur: Ni kodanga taakdaksü" (t.1). Iba lima nung aika melenshia aodang tambur kuma aodang asenoki ashitsü, "Kechi ataloker ni memeteter." Saka Tsüngremi ashir, "Reprangang, iba indang shisa tebulu. Kü dak amangang, aser ni na kodanga ratamata meyutsütsü."

Tasembuba tebilemetsüji tesüiba menungraba. Aiben asenoki jembir, "Tejenba anogotem tajung to meyipang." Dawidi ashi, "Kechiaser na kü teyimla lir, O Kibuba Tsüngrem" (t.5). Pa tarutsü mapang lia liasü. Tarutsü sota lir, asenoki memetet, saka Tsüngreni asenok tarutsü lia sotta lir ta asenoki metet.

Tatamsa asenoki nemnemshishi tebilemetsü ajurutsü akok. Tambur akümdang melamela nemnemshishi asür. Saka Dawidi ashi, "Anogo tepiyong ne nüngsang agi, aser na tushiba agi kü bang sünga alitsü" (t.8). Kodang asenoki Kibuba den jajadir, Pai tashi mait aser terata ajak anebalur. Tarutsü tetsübu ajak pai repranger. Nemnemshinem melen Pa tenüngsang asangba agütsür, anungji asenok tesünep nung tambur, tantsür akümer.

Taküm jenjang shia tejangja maongka aser tebilemetsütem lir. Aser item ajak ajanga Tsüngrem ne den lir. Na tambur tebilemetsü ajurur asü? Na tashi mait, terata, aser tesüiba menungra a nemnemshishia alir asü? Ne tetsübutem Tsüngrem dangi bener arung. Pai pa nüburtem yariba nung pelar.

August 31 nungi Pope Francis-i Mongolia semdangtsü

July 07, 2023: Pope Francis-i August 31 nungi tenzüka September 4 tashi Mongolia linük semdangtsü; Mongolia linük mezüng semdangba Pope ji pa asütsü.

Asia kübok aliba Mongolia linük nung Cardinal ka leniba nung Khristan 1,300 shi lir.

Pope-i iba linük semdangba mapang nung sorkar ketdangsertem, lokti tentet balala nungi lenirtem aser Khristantem ajurutsü. Iba mapang nungji yimsü balala külem sentong aser tekülem sentong nung adenba den külemi pai charity center ka semzüksütsü.

Mongolia ya Russia aser China na tsüngda lir.

China-i Vatican den tezüngzüktep agia aliba anema inyakba ajanga China aser Vatican na tsüngda tesendaktep mejungi aliba mapang ka nung, aser Vatican-i Russia dang Ukraine nung rara anentsü mepishiba

mapang nung Pope-i Mongolia semdangtsü.

Yaküm August ita nung Pope Francis-i Mongolia nung mezüngbuba Cardinal, Italy nunger putir Giorgio Marengo shima liasü.

Nütsüng million 3.3 shi aliba Mongolia linük nung Khristan 1,300 shi lir. Nütsüng shilem 52 Buddhist, nütsüng shilem 3 shi Muslim, nütsüng shilem 2.5 Shamanist, nütsüng shilem 1.3 Khristantem lir aser yimsü kecha den-a sendaktepa maliba nütsüng shilem 40.6 lir.

Mongol yimli mapang Aso 13buba nung Khristan yimsü aru saka züina mao aser 1920s nung socialist republic tentetba mapang missionary tem mapa anena liasü.

1991 küm democracy sangdongba sülen Khristan missionary tem iba linüki meyipa aruba sülen küm ka dang lirbo 1992 küm Vatican aser Mongolia na tsüngda tesendaktep yanglu.

**AO OSHI ANGAZÜKDAK:
TANÜ ANGAZÜKTSÜBA OJANG**



Renem

- (v) mapa tembanga inyak (complete)
- * Tanü onoki alu mapa ajak renema inyak.

Renem

- (v) süoshi sübuba, ki oset tipdema rezünga ayuba (dress up , set in order)
- * Nisung ajak sentepi aodangbo jungjunga renemer aoer.

OLONG PAITEP # 6569

1	2	3	4	5	6
7					
			8		
			9		
10	11				12
13		14		15	
			16		
		17			

TIPILEN

- 1. Aonung tiprong - (7)
- 7. Anogo tanabuba - (5)
- 8. Mapang aben - (5)
- 10. Ozüng alema inyakertem - (11)
- 13. Tarutsü alizüng - (5)
- 16. Mi nung atsük - (5)
- 17. Süngtsük - (7)

LANGTSÜNGLEN

- 2. Idakji - (6)
- 3. Tebur tsüngda jatepba - (4)
- 4. Teinyaktsü - (4)
- 5. Medemer tajung - (6)
- 6. Tarutsü indang ashirtem - (6)
- 9. Jenjang aika alangba yin - (3)
- 10. Yisu metadak - (6)
- 11. Tashiyim agi bener ao - (6)
- 12. Okshia - (6)
- 14. T _ _ _ _ hir - (4)
- 15. Teinte _ _ _ _ o - (4)

OLONG PAITEP # 6568 TELANGZÜBA

TIPILEN:

- 1. Aben, 4. Artsü, 7. Lisem,
- 8. Liwa, 9. Sarasadem, 12. Aket,
- 14. Mangu, 15. Anünü, 16. Ango.

LANGTSÜNGLEN:

- 1. Aruli, 3. Balala, 5. Suwar,
- 6. Belem, 9. Süjak, 10. Aonung,
- 11. Dokan, 13. Tinu.

NAI-A YA METETTER MA

Sweden nunger yimya nung mi apuba (Swedish flame) yangi noksa nung angur. I ba atemaji cake alener amai süngji paitepa lenpokang saka tazüng nungbo inch trokshi mepakmai dang yujang. Ajiser süng pakmar alidakji totzü tera shiloktsür mi tsüklokjang. I baji ghonda ana nungi asem shi tsüngda nung rongmadoktsü.



Tepela Tasoba Anogo



Tasoba anogo : 8 July 2017
Küm : 6 years
Tsüngremi jabaso YIMSANEN küm terok tashi anema taküm arishi tajung nung anir arunung maneni Tsüngrem tenüng asanger. Ano maneni arishi talang moajang ta teti onok sarasadem.

From : oja, oba, sensen, otsu, obü & kinungertem.

BTC CEM Pramod Boro-i 'Syndicate Raj' inyaker: Mohilary

Guwahati, July 7, 2023 (Agencies): BTC CEM Pramod Boro-i Bodoland Territorial Council (BTC) nung 'syndicate raj' ka inyaker ta Bodoland People's Front (BPF) tanishir Hagrama Mohilary-i ashi.

"BTC nung an, ak aser jang indang syndicates aika lir aser ni angazükba agi sen ajunga Pramod Boro dangi aoer. Pai chiyungtsü chinür saka sen meindoknür" ta Hagrama Mohilary-i ashi.

Pramod Boro-i ochimashi inyaker aser sen aazüker ta Mohilary-isa tai tongloktsü.

July 7 nü Kokrajhar aser Udalguri Lok Sabha

constituency tem tentettsü takhangba agüja Bodoland People's Front (BPF)-i ghonda asem mener lungkak aita liasü.

Iba sentong ya Baksa district kübok Old Market field, Musalpur nung ayongzüka agi.

Iba sentong nung BPF tanishir aser taoba BTR (Bodoland Territorial Region) chief executive member Hagrama Mohilary aden.

"Tanü pai Musalpur nung onoki ECI indang delimitation process anema lungkak aiter aser Udalguri constituency re-instate asütsü akhanger" ta Mohilary-i ashi.

Udalguri constituency künftettsü atema Baksa

constituency ya Udalguri den lokteptsüla aser iba takhangba ya New Delhi nung Election Commission dangi abentsü, ta paisa ashi.

Election Commission aser sorkari BTC nungi Udalguri Lok Sabha constituency agienba anema BPF lennirtemi lungkak ait.

Külen, Pramod Boro-i Election Commission of India (ECI) dang Scheduled Tribes (ST) atema Kokrajhar Lok Sabha menden lemzüksüba atema pelaba metetdaksü.

BTR region nung Assembly constituency 12 nungi 15 akümba atema pelar, ta paisa ashi.

Opposition MLA 5 Tripura Budget Session nungi anentsü

Agartala, July 7, 2023 (Agencies): July 7 nü Tripura Legislative Assembly nung mepetmesü adoka raratep aser opposition MLA 5 tashi budget session nung madentsü tetuyuba agütsü.

MLA temi session tagidak nung meinprongba atema Speaker Biswabandhu Sen-i parnok suspend asü.

MLA temji Congress nungi Sudip Roy Barman, Tipra Motha nungi Birshaketu Debbarma, Ranjit Debbarma o Nandita Reang aser CPIM nungi Nayan Sarkar nunger lir. Opposition party temi lungkak aitba aser

meinprongba sülen par pungu suspend asü.

Taoba assembly session nung BJP MLA Jadab Lal Nath-i video tamajung reprangba atema Adjournment Motion benokba atema Leader of the opposition Animesh Debbarma-i asüngdang. Ajisüaka Speaker-i ibala tasüngdangba magizüker ta ashi aser Finance Minister indang budget osang lemsateptsü mapang agütsü. Idangji opposition züngsemtemi ola adoka lungkak ait.

Opposition lennirtemi takdang tiyongtsü nung

adenshir MLA Nath merenshiang ta takhangba agüja lungkak ait aser Tipra Motha MLA 3-i tejashi sayua table tema nung tua noktakba ajanga tensa tamajungba aküm.

Idangji Chief Minister Dr. Manik Saha-i Speaker pusema nungit aser opposition MLA 5 suspend asütsü mepishi.

Chief minister Shah-i mepishiba ama Speaker Biswabandhu Sen-i MLA 5 budget session nung medendaktsütsü tetuyuba agütsü aser iba lemtet magizükba sayua opposition party tem session nung medeni kimai alu.

Taoba state minister & MNF lennir Dr K Beichhua-i BJP nung adentsü

Aizawl, July 7, 2023 (Agencies): Taoba Mizoram minister aser Mizo National Front (MNF) nungi anentsür Dr K Beichhua-i BJP nung adentsü.

Dr K Beichhua-i osangbener den jembidang iba osang metetdaksü.

Mizoram nung assembly elections agitsü jakdang political party temi kanga merangtepa nüboyimtepba mapang iba ya ataloker.

Dr K Beichhua-i BJP nung denra assembly elections nung BJP jenjang ajungtsü.

Mizoram nung taküm Assembly elections agitsü aser 2024 nung Lok Sabha elections agitsü.

Dr K Beichhua-i Siaha constituency nungi BJP ticket amer Mizoram assembly elections 2023 nung tokteptsü akok.

2018 Mizoram assembly elections nung Dr K Beichhua-i Siaha constituency nungi MNF candidate ka ama toktepa takok ngua liasü.

Iba sülen K Beichhua-i December 13, 2022 tashi

Zoramthanga'er cabinet nung züngsem ka ama inyaka aru. Ajisüaka chief minister Zoramthanga-i pa dang anenang ta ashiba sülen cabinet menden toktsü.

Taküm January ita Dr K Beichhua-i "anti-party activities" inyakba atema MNF nungi anentsü.

Mara Autonomous District Council (MADC) nung MNF-Congress sorkar anentsür BJP sorkar ka akümba nung K Beichhua-i shilem agi ta tai tongloktsür.



Manipur kübok Moreh nung tetsür 3000 tema adenshir state police commando agientsü takhangba agüja lungkak aitba angur. Iba sentong ya Kuki Women Union and Human Rights Moreh (KWU and HR)-i New Moreh playground nung ayongzüka agi aser parnoki Tengnoupal district kübok Moreh nungi state police commando agientsü takhangba agütsü. Parnoki süoshi tanak sübor "Go back Manipur police commando", "To regain peace in Moreh town", "Remove Manipur police commando" yimyim ayima aser tezülubatam amer lungkak ait. (Moreh, July 7)

Tzünglu kanga sashia aruba ajanga Pakistan nung hopta ana nung nisung 50 shi asü

Islamabad, Chiteni/July 07 (Agencies): Hopta ana Pakistan nung tzünglu kanga sashia aruba ajanga tanur ti densema nisung 50 süogo, ta ketdangsür temi ashir. "June 25 nü 'monsoon' tenzüka sülen Pakistan tesem ajungalen tzünglu dak sendakba lendong timtem balala nung nisung 50 asüba osang lir," ta national disaster management ketdangsür kati Hokulbarnü ashi, aser kasa mapang nisung 87 yiru ta

metetdaksü. Asürtem ya timba linük anüdoklen Punjab province nung lir aser parnok ya timba electrocution aser ki laoba ajanga asüba lir, ta ketdangsür data ajanga sayur. Asürtem ya 55 lir, ta tesem balala nung aliba ketdangsür temi osang agütsüba nung ajemdaker jangjateter. Northwestern tsütsü Khyber Pakhtunkhwa province nung Shangla district kübok Brehostibarnü anentsüh

aluba tesem ka nungi arishi küm 12 aser 15 tsüngta tanur ti ngutet, ta emergency service Rescue 1122 indang odongtar Bilal Ahmed Faizi-i ashi. Jana agi ano tanurtem nembanga ali-mali ta bushiba mapang lir, ta pai ashi. Lisem long anasa tanur 15 shi cricket asaya aliba mapang ali anenzüka alua parnok nembang, ta district emergency unit officer Sanaulah Khan-i osangbener dang ashi. *(Maneni tapak 8 nung...)*

West Bank nung Israel sepaitemi Palestine nunger ana khaset

Nablus, Chiteni/July 07 (Agencies): Occupied West Bank nung Israel sepaitemi ki ka meita aodang Palestine nunger telungpur ana khaset. Nablus nung Israel sepaitemi ki ka lungpanga lia khatepba ola angashi, ta yangji alirtemi Hokulbarnep ashi.

Iba mapang khasetba nisung ana ya arishi küm 34 tain Khayri Shahin aser arishi küm 32 tain Hamze Maqbool ta jangjaogo.

Parnok ya aputsü bushia liasü saka mapudang parnoki sepaitem dak injang khaloktsü, ta Israel-i ashir.

Palestine nunger telungpur telok, Hamas ajanga tena ya "heroes of the resistance" lir aser Israel nungeri kiralongra mapa inyaker, ta ashi.

Occupied West Bank nung tesüba küm nungi mitkar temi ki o jen meita aoba rongnung ibai ka lir.

Jenin nung aliba refugee camp ka nung Israel mitkar temi tan hopta tashiyim amshia azüdokshiba sülen tang ibai ataloker.

(Maneni tapak 8 nung...)

OFFICE OF THE MERANGKONGTSÜR TELONGJEM TULI

Dist. Mokokchung : Nagaland - 798618
NUKJIDONG : "Telongjem Aser Teyaritep"

TENÜNGSANG AGÜTSÜR

Merangkongtsür Telongjem Tuli Unit ajanga **Kr. Maongnaro Longkumer** D/o Rev C. Tongpang aser I. Moala Kichu na jala-i Nagaland University ajanga agiba Under Graduate Bachelor of Arts tatitang nung History (Honours) nung Gold Medal ngutetba asoshi tenüngsang agütsür.

Anungji ano tarutsü nung wadang balala ajak nung takok aser temoatsüma nung len aniang ta sarasadema atar.

Sd/-
Wt. Senlimongla
President, MTT



Sd/-
Wt. Toshimongla
General Secretary, MTT

West Bank nung Israel sepaitemi Palestine nunger ana khaset

Nablus, Chiteni/July 07 (Agencies): Occupied West Bank nung Israel sepaitemi ki ka meita aodang Palestine nunger telungpur ana khaset. Nablus nung Israel sepaitemi ki ka lungpanga lia khatepba ola angashi, ta yangji alirtemi Hokulbarnep ashi.

Iba mapang khasetba nisung ana ya arishi küm 34 tain Khayri Shahin aser arishi küm 32 tain Hamze Maqbool ta jangjaogo.

Parnok ya aputsü bushia liasü saka mapudang parnoki sepaitem dak injang khaloktsü, ta Israel-i ashir.

Palestine nunger telungpur telok, Hamas ajanga tena ya "heroes of the resistance" lir aser Israel nungeri kiralongra mapa inyaker, ta ashi.

Occupied West Bank nung tesüba küm nungi mitkar temi ki o jen meita aoba rongnung ibai ka lir.

Jenin nung aliba refugee camp ka nung Israel mitkar temi tan hopta tashiyim amshia azüdokshiba sülen tang ibai ataloker.

(Maneni tapak 8 nung...)

MERANG KIN, LONGSA TENÜNGSANG AGÜTSÜR



Wb. Toshilemba aser Wt. Takolemla na jabaso Sb. Yangersenba T. Jamir-i Nagaland Public Service Commission tatitang nung Lecturer in Mathematics (under Technical Education) jenjang ajangzukteta, Merang kin Longsa nem konang bener arutsüba asoshi tenüngsang aser tetushi agütsür.

Teyanglur Tsüngremi maneni pa wadang moajangma.

Kin Tenüng nung,
Wb. Yashitoba Tatar
Wb. Alemsuba Tatar
Wb. Temsukaba G.B

Menungra Bilemteter



Lt. TOSHIMEREN JAMIR

Kodanga amatsü makokba Obala. Temeim Oba na onok toktsür oer küm ka jungoko saka na onok den teti lir ama onoki bilemer. Nü ajemalu, taremzük onoki teti bilemteter. Tsüngrem akumtsübuba ochi nung jajatsü nai onok dang sayur.

-Temeim Kinüngtsü aser meim Tanurtem.

OFFICE OF THE
MERANGKONG SENSO TELONGJEM TULI
P.O. Tuli Town - 798618
Dist. Mokokchung Nagaland.

TENÜNGSANG AGÜTSÜR

Merangkong Senso Telongjem Tuli ajanga Merangkong kaketshirtem-i tatidang balala nung takok aser konang-nungsang tulu bener arutsüba asoshi tenüngsang aser tetushi tulu agütsür. Talisa **Kr. Maongnaro Longkumer**, Rev. C Tongpang-er jala-i Nagaland University ajanga agiba Under Graduate Bachelor of Arts tatidang nung History (Honours) nung **Mezung jenjang (Gold Medal)** ngutetba asoshi tenung asanger.

Merangkong Senso Telongjem Tuli, ajanga tarutsü nung item kaketshirtem maneni tuluba jenjang nung takok angutsüsa aser par taküm aser sempet ajanga nuburtem asoshi temoatsü sädakjang da sarasadema atar.

Sd/-
IMKUMZUKBA President
Merangkong Senso Telongjem Tuli

Sd/-
MOASASHI General Secretary
Merangkong Senso Telongjem Tuli

LAND FOR SALE

NAGA UNITED VILLAGE
Near Daily Bazar
Dry Land - Price - Rs. 380/- per Sq.ft.
Contact - 9612448446 / 8798119488

Office of the
LONGSA SENSO TETSÜR TELONGJEM
HQ. LONGSA
Mokokchung-798601: Nagaland

TETUSHI AGÜTSÜR



Wt. Imtiyala Longkumer



Sb. Yangersenba T. Jamir

Longsa Senso Tetsür Telongjem sabang ajanga Longsa lanur shirnoki Nagaland Public Service Commission tatidang nung takok ngua Senso nem konang nungsang bener arutsüogo, parnok nem iba osang kaket ajanga pelaba lemsar, aser ajak dak alaka Tsüngrem nem tenüngsang agütsür.

1. **Wt. Imtiyala Longkumer** - PGT in English under School Education, D/o Wb. Moyalepden Longkumer aser Wt. Yashimongla Jamir.

2. **Sb. Yangersenba T. Jamir** - Lecturer in Mathematics under Technical Education, S/o Wb. Toshilemba aser Wt Takolemla.

Sd/-
Tiakala
President, LSTT

Sd/-
Watila
Vice President, LSTT

Office of the LONGMISA SENSO MUNG DANG

P.O.Mokokchung-798601. B.P.O. Longmisa
Mokokchung :Nagaland.

TENÜNGSANG AGÜTSÜR



Miss. Nuksungmenla Jamir



Dr. Tialila Longchar



Mrs. Rongsenkala

LSM ajanga Tsüngrem tenungsanga CESE 2022 NPSC tatidang nung takok angur parnok nem konang tetushi agütsür.

1. Miss. Nuksungmenla Jamir D/o Mr. Moasashi Jamir aser Mrs. Nongdokchila Pongen. Lai Higher Education kubok, History Assistant Professor sokar mapa angu.

2. Dr. Tialila Longchar D/o Er. Mangyangemba Longchar and Mrs. Rongsensongla Imchen. Lai School Education kubok, Education Post Graduate Teacher sokar mapa angu

3. Mrs. Rongsenkala. Molungkimong D/o Imtinungshi Lemtur aser w/o Imlimaong Jamir (Longmisa). Lai School Education kubok, Hindi Post Graduate Teacher sokar mapa angu.

Asen teyanglur Tsüngremi nenok takum aser wadang ano temaba nung ajungketa moajangma ta sarasademtsur.

YashiramokAo
President, LSM

Watitoshi
G. Secretary, LSM

OFFICE OF THE
LONGKONG KAKETSHIR TELONGJEM
B.P.O LONGKONG
P.O CHUCHUYIMLANG -798614, MOKOKCHUNG: NAGALAND

TENÜNGSANG AGÜTSÜR

NPSC common Educational Services Examination 2023, tatidang nung **Kr. Nungshitola M. Longkumer** D/o Mr. Masatuba Longkumer aser Mrs. Yangerjungla Jamir, na jalai PGT, Political Science nung takok tajung ngutetba asoshi LKT-i kanga pelar aser Tsüngrem tenung asanger.

Sd/-
Sb. Rendikaba
Tir, LKT



Sd/-
Kr. Akumnaro Jamir
Repsem Zülur, LKT

July 12 nungi Nagaland Taekwondo Championship tenzüksü



Kohima, Chiteni/July 07 (TYO): 33 buba Nagaland State Taekwondo Championship ya Pele Khezhe Indoor Stadium, Kohima nung July 12 aser 13, 2023 anogotem alitsü, ta Nagaland Taekwondo Association ajanga Hokulbarnü sangdong ka nung metetdaksü.

Iba championship ya sub junior, cadet, junior aser senior division anung tebur aser tetsür tem asoshi alitsü. Affiliated district nungi weigh category shia asayar ka-ka dang shilem agidaksütsü, ta sangdong ajanga ashi.

Iba dak sendakba nung shilem agitsüpur team shiai weigh category aser division shia asayar tenüngtem July 10, 2023 tashinung Visabiu Peseyie, Vice President NTA dangi 9436061480 nung mesüra Neitho-o Kuostu Secretary, NTA dangi 9862567270 nung WhatsApp ajanga agütsüsüla aser original copy ya iba championship nung shilem agitsü aruba anogo agütsüsüla, ta ashi.

Iba asayamung nung shilem agitsüpur team tem July 11 nü asaya tesem tonga arutsüla aser yanghi official weigh-in

agitsü aser district shia registration fee sen 2000 alitsü.

Iba championship nung DYRS aser Nagaland Police Taekwondo team densema district/team 14 nungi asayar 300 dak tema den ketdangsür 50 shi arua shilem agitsü imlar, ta NTA sangdong ajanga ashi.

Dimapur district nungi iba championship nung asayar 70 (tetsür aser tebur) adentsü tejangja shiogo.

Ano maneni Nagaland nung 2 buba North East Taekwondo Championship taküm ayongzüksü sentong lir, ta sangdong ajangasa ashi.

Canada Open 2023: PV Sindhu, Lakshya Sen nunger quarterfinal tongogo

Calgary, Chiteni/July 07 (Agencies): Calgary nung Canada Open Super 500 tournament tetsür aser tebur asaya nung India nunger badminton asayar PV Sindhu aser Lakshya Sen na quarterfinals tongogo.

Japan tsür Natsuki Nidaira-i 'walkover' agütsüba sülen la last eight atong aser Sen-i Brazil nunger Ygor Coelho madak minute 31 nung 21-15 21-11 agi takok ngua liasü.

Sindhu ya 2022 Indonesia Masters champion Gao Fang Jie ajurutsü, shibai taküm Asia Mixed Team Championships nung China-i takok angudak tongti shilem agia asaya liasü.

Sen ta Commonwealth Games nung gold medallist lir

aser pai Belgium nunger Julien Carraggi den asayatsü. Ajisüaka Krishna Prasad Garaga aser Vishnuvardhan Goud Panjala nati pre-quarterfinal stage majangteto Indonesia nunger second seed aser World Number 7, Mohammad Ahsan aser Hendra Setiawan nati 9-21 11-21 agi tsükdaksü.

Season tetenzüklen Sen-i junga masayatet saka tanem tanemi pa tajungba asaya arur.

Brehostibarnü Sen ya Coelho den kanga sashia toktep aser tena mapang kabo 13-13 liasü saka points pongu atonga ngur 20-15 kuma liasü.

Set tanabuba nung Sen-i timtem kangabo majuru aser khen 12-2 liasü aser ayong ayonga asaya akok.

EPF aser ESI indang... (Tapak 2 nungi...)

Ano ESI ya health insurance scheme ka lir, koba Employees' State Insurance Act, 1948 kübok tenzük aser sorkari jangjateta alidak mapa inyaker nisung 10 mesüra tali aliba organizations nung amshir, ta Singh-i ashi.

ESI atema mapa agütsür aser mapa inyakeri mapa inyaker indang itasen nungi shilem ka agütsür.

ESI ajanga mapa inyaker aser parnok kibong nung züngsemtem asoshi outpatient aser inpatient treatments, maternity benefits, disability benefits, aser dependents' benefits densema medical teyari agütsür, ta pai ashi.

Mapa inyaker mapa nungi anisingzükba, mapa manguba, shirangba mapang aser matamabensaba atema EPF aser ESI ajanga social security aser senotsü teyari agütsür, ta Singh-i nenshia ashi.

Iba sentong session tanabuba nung Regional Director, ESIC, NER Guwahati, Robert L. Guite ajanga Employee State Insurance indang onük nung jembia liasü.

Sentong nung Deputy Labour Commissioner, T. Chubayanger menden liasü aser Labour Commissioner, S. L. Wati Aier ajanga tarur pela agizükba o jembia liasü.

Tzünglu kanga sashia aruba ajanga... (Tapak 7 nungi...)

Yangji aliba rescue team tem den külemi Pakistani army temi ghonda ishika bushiba sülen nisung tasü mang ti atsütet, ta pai ashi. Tanur ka kanga sashia yirur lir aser tanüngba tanurtem meyirur.

Punjab province kübok Pakistan indang yimti tulutiba jenjang tanabuba nung aliba Lahore nung otsü yanglua Bodhbarnü tzünglu arua yimtem ayong akum aser iba yimti nung alir shilem 35 jungnüa electricity aser tajemtsü tzü makai kumdaksü.

Bodhbarnü nungi kilem tsükba aser electrocution ajanga yimti nung nisung 19

süogo, ta ketdangsür temi ashi. Pakistan indang tzüngsang-mopung takzüba agency ajanga ano tzünglu tali arutsü shiogo aser Punjab nung ayong tulu Jhelum aser Chenab anasa tzümetsüng adoktsü shia lir.

Iba province kübok danga tesemtem nunga tzünglu kanga sashia aruba ajanga ayong nung tzü tali ayimba osang lir, aser iba yongji ketdangsürtem saksalema lir.

Tzünglu kanga sashia aruba ajanga ayong nung tzü tali yima linük shilem asemsü nung shilem ka tzü agi mubanga nisung 1,700 dak tema takum samar küm ka lir Pakistan nung

tzünglu meyipa shilanga lir.

Iba ama tzümetsüng adokba ajanga sentsüh agi tsü banger aliba South Asian linük nung sen billion \$30 jenjang teraksa agütsü.

South Asia nung küm shia meyi tzünglu ya June aser September tsüngta arur.

Nisung billion ana shi aliba region nungya aluyimer million aika atema meyi mapang ya kanga tongtipang lir, saka kasa mapang anentsüh aser tzümetsüng ajurur.

Tzü-mopung melenshiba ajanga tzünglu tesashiba arur aser takzüksü tasakba akumer, ta scientist temi ashir.

West Bank nung Israel sepaitemi... (Tapak 7 nungi...)

Anogo asem Jenin nung aita tashiyim amshidang Palestine nunger nisung 12 aser Israel sepai ka süogo.

Iba mapang Israeli armed drone amshia camp nung amak aser Palestine nunger telungpurtem den khatepa liasü.

Israel nunger dak tenük yoker Palestine nungeri prangbong amshia amakba taküm timba angur, aser Jenin ya kiralongrartem jenokdak tesem ka mesüdaksütsü asoshi military operations

maneni agitsü ta Israel-i ashir. Hokulbarnep Nablus nung ki ka amakba sülen tasüba nisung ana indang video ka temai adok, koba hopta tetenzüklen record asüba südi ta bilemer, kong tenati tena ya Palestinian militant group Popular Front for the Liberation of Palestine (PFLP) den sendaktepa lir aser Jenin amakba nung telangzüba agütsütsü, ta ashi.

Israel nunger domestic intelligence agency Shabak

ajanga ashiba agi, parnoki Nablus anasa Jewish settlement ka nung dokan ka aser police indang gari ka nung injang khaloktsü ta temolung meleme liasü.

Nablus nung iba ki meita aoba ajanga Palestine nunger lanurtemi anema nokdak.

Iba mapang nisung ka tetsüng nung kanga sashia yirua liasü aser ambulance tem nokdanga ayu, ta Palestinian Red Crescent nungi paramedics temi ashi.

Anava Hospital; nüburtem... (Tapak 2 nungi...)

"Iba hospital nung alakteta agütsüba service kaji mashisa tetsürtem atema asütsü; Cardiotocography (CTG) (electronic fetal monitoring taka ajar) machine den computer topograms amshia nusotsü atema tashitsü atuba mapang nungi tenzuka tanur mesozük tashi tashitsü atuba, uterine contractions aser tanur heartbeat ajak asadanga monitor nung reprangtsü" ta Dr. Süngti-isa metetdaksü.

Talisa tang mezüng tanur asotsüpurtem nusotsü m e r a n g d a n g m a r e m z ü k t e t t s ü s a t a s h i t s ü a t u r a e p i d u r a l i n f u s i o n a g ü t s ü t s ü , i b a j i a j a n g a t a s h i (p a i n) m a l i t s ü s a k a p r e s s u r e b o a l i t s ü a s e r t a n u r j i k a n g a j u n g a t i m l e m m a n g a j a n g a s o t e t t s ü , t a

paisa shisem.

Iba hospital nung senotsü jenti endokogo aser senotsü aruba lenmang kanga mesüa akümba ajanga taruba ita pezü-pongu tsüngda iba hospital nung staff tem itasen agütsütsü aser metokmeperi osettem atema tang rongdak sen lakh 90 shi nüngdaker, ta paisa Tir Yimyim den lemsatetp.

Iba hospital ya mission project ka lir, talisa asenok aika treatment agitsü atema mapang, nübo aser rongsen jenti meindoki ana nung treatment agitetsü, anungji iba tangatetba nung Anava Foundation nem tenla agütsünür Arogo, lokti tentet aser kija kibongtemi anava.foundation@gmail.com ajanga tongtepreteptsü akok.

BILEMDANGANG
"Meima jembiba o agi kecha makoksar saka tuluka ajangzükter."